



10 AUG, 2025

Dua lelaki dicekup, mesin bitcoin dirampas

Sinar Harian, Malaysia



Dua lelaki dicekup, mesin *bitcoin* dirampas

KLANG - Tindakan unit risikan Pasukan Polis Marin (PPM) Pelabuhan Klang mengekori sebuah lori hingga ke sebuah premis di Jalan Selatan 21, Pandamaran di sini membongkar kegiatan penyeludupan diesel dan aktiviti perlombongan *bitcoin* Selasa lalu.

Komander PPM Wilayah Satu, Asisten Komisioner Rusley Chi Ari berkata, semasa menjalankan rondaan Ops Taring pada jam 3 pagi, pihaknya terserempak dengan se-

buah lori dalam keadaan mencurigakan.

"Kita telah mengekori lori terbabit sehingga masuk ke sebuah kawasan berpagar, sebelum menahan seorang lelaki tempatan serta seorang lelaki Bangladesh masing-masing berusia 21 dan 35 tahun.

"Hasil pemeriksaan di tempat serbuan mendapati lori itu membawa diesel yang diperoleh secara tidak sah dengan mengubah suai bahagian ruang belakang dan meletakkan tangki," katanya dalam

kenyataan pada Sabtu.

Rusley berkata, pemeriksaan di dalam kawasan serbuan turut menemui dua buah tangki skid yang diubah suai untuk menyimpan sementara diesel.

"Kita membuka pintu zink bersebelahan stor minyak yang dijaga penjaga stor dan menjumpai 78 mesin *bitcoin* yang sedang beroperasi dengan mencuri bekalan elektrik milik Tenaga Nasional Berhad. Hasil rampasan bernilai RM312,840," katanya.